

## E C S O D U S.

nig thu mach as an Eiphit : agus cha d'thig neach air bith a'm' lathair-fa falamh :

16 Agus féisd an fhogharaidh, ceud-thoraidh do shaoithreach, a chuir thu 'san fhearann : agus féisd a' chruinneachaidh<sup>a</sup> aig deireadh na bliadhna, 'nuair a chruinnicheas tu sligh *toradh* do shaoithreach as an fhearann.

17 Tri uairean 'fa' bhliadhna nochdar gach firionn agad 'an lathair an Tighearna Dé.

18 Cha d'thoir thu seachad<sup>b</sup> fuil m' iobairt-fa le *b-aran* goirtichte, ni mò dh'fhanas<sup>c</sup> faill m' iobairt gu madainn.

19 Toiseach ceud-thoraidh d'fhearainn bheir thu do thighan Tighearna do Dhé. Cha bhruidh thu meann ann am bainne a mhiathar.

20 Feuch, cuiridh mis' aingeal romhad, gu d' choimhead 'san t-slighe, agus gu d' thabhairt a steach do'n àit' a dh'ulluich mi.

21 Bi faicilleach<sup>d</sup> 'na lathair, agus éisd r'a ghuth ; na cuir 'na aghaidh<sup>e</sup> : oir cha lagh e bhur cionta ; oir *a ta* m'ainm annsan.

22 Ach ma dh'éifdeas tu da rìreadh r'a ghuth, agus ma ni thu gach ni a labhras mise, 'an sin bithidh mi a'm' namhaid do d' namhaid-fa<sup>f</sup>, agus claidhidh mi iadfan a chlaoidheas thu :

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan

Canaanach, nan Hibheach agus nan Iebusach ; agus gearraidh mi as iad.

24 Cha chrom thu thu féin sìos d'an déibh, agus cha dean thu feirbhis doibh, ni mò a ni thu a réir an oibre : ach sgriofaidh tu gu tur iad, agus brisidh tu an dealbhan 'nam bloighdibh.

25 Agus ni sibh feirbhis do'n Tighearna bhur Dia, agus bean-naichidh efan t'aran, agus t'uisge, agus cuiridh mi euslaint air falbh o'r measg.

26 Cha tilg ni sam bith<sup>g</sup> a' ni mò a bhios e seasg a'd' thir : aireamh do làithean coi'-lionaidh mise.

27 Cuiridh mi m' eagal romhad, agus sgriofaidh mi an sluagh uile dh'ionnsuidh an d'théid thu, agus bheir mi air do naimhdibh gu léir an cùl a thionndadh riut.

28 Agus cuiridh mise cearnabhain<sup>h</sup> romhad, agus fograidh iad a mach an t-Hibheach, an Canaanach, agus an t-Hiteach, as do lathair.

29 Cha tilg mi mach iad as do lathair ann an aon bhliadhna, an t-eagal gu'm bi'm fearann air fhàsachadh, agus gu'm fàs fiadh-bheathaiche na machrach lionmhor a'd' aghaidh.

30 A lion beag is beag<sup>h</sup> tilgidh mi mach iad as do lathair, agus an sìolaich thu, agus gu'n sealbhaich thu am fearann.

31 Agus fuidhichidh mi do chriochan o'n mhuir ruaidh eadhon gu nuig fairge nam Philisteach

<sup>a</sup> an tarraigh, a' chròdhaidh. <sup>b</sup> cha taig thu. <sup>c</sup> dh'fhàgar. <sup>d</sup> Thoir an aire dhuit féin. <sup>e</sup> na brosfuich e, na cuir corruich air. <sup>f</sup> bithidh mi m'earcaid do d' eas-cairdibh. <sup>g</sup> conuic'ean, beachan-each mòra ; hornets. <sup>h</sup> A' chuid, a' chuid ; a' bheagan, a' bheagan.